

Sunt autem alia simplicia, alia composita. Simplicia ex foliis medicamenti simplicis decocto aut succo, & saccharo seu melle, aliove humore mixto parantur, vt exempli gratia. Lohoch de squilla, è succi squillæ & mellis despumati æquis partibus simul coctis conficitur. Sic Lohoch de caulibus è succo caulium, cum sapa vini & melle conficitur. Sic Lohoch de psyllio e mucilag. sem. ℥ ii. & sacchari clarificati ℔. i. quod acres delabentes humores inspissat. Sic de tussilagine, ex radic. decoctæ contusæ ℔. i. & mellis ℔. ii. ecclegma abstergens conficitur: pari pacto Lohoch de althea.

Composita vero fructus, gummata & aromata recipiunt: Fructus sunt vuae passæ, ficus, dactyli, iuiubæ, tebesten. Sic semina frigida maiora, maluæ, bombacis, papau. albi. Succis, vt succus de liquirit. de squilla, de brassio, de hyssopo. Gummata, gummitragacanth. Arabicum. Species, vt diatragacanth. frigid. de penidiis. Sic syrapi, violatus, de tussilagine, hyssopo, de iuiubis, de papau. diacodion. Conseru. violar. rosar. scabiosæ, tussilaginis, enulæ, nenupharis, saccharum item candum, rosaceum, penidium. Fiunt autem ex his contusis & melle aut saccharo coctis, aut syrupo aut mucilage accommodata, excipiuntur ad mediam consistentiam mellis, aut pultis instar. Rursus alia sunt in officinis vsitata, alia vero magistralia. In officinis habentur ecclegmata de nucleis pini, quo vtimur in asthma ad crassos & lentos humores incidendos & detergendos, ad quod etiam valet Lohoch ad asthma dictum. Idem præstat, sed efficacius